

Broj:L03-04/16
Datum:27.04.2016.

ZAPISNIK

Sa I sjednice LEF-a u novom sazivu

Sjednica je održana u srijedu, 27.04.2016. godine u Sali OV sa početkom u 14:00 sati.

Sjednici su prisustvovali: Općinski načelnik Mato Zovko, Direktorica RAŽ-a Branka Janko, pomoćnik Načelnika za gospodarstvo i finansije Namik Maličbegović, pomoćnica Načelnika za graditeljstvo i prostorno uređenje Brigita Lovrić, direktor SMŠ „Žepče“ Zijah Maličbegović, ravnatelj Tehničko-obrtničke škole KŠC Don Bosco Marinko Antunović, Prograd d.o.o – Ašir Mehić, Frigošped d.o.o - Edin Čaušević, Budo Export“ d.o.o - Dijana Križanac, Jelinak d.o.o – Valentina Trogrlić, California d.o.o – Josip Jukić, Teknotherm Engineering d.o.o – Ivo Klarić, Vin-metal d.o.o – Vinko Katava, JP Komunalno – Mirko Šumić, Fotograf –zlatar Dunder – Drago Dunder, LS-Econ d.o.o – Sabina Spahić.

Za sjednicu je predložen, a potom jednoglasno usvojen dnevni red i to:

1. Pozdravna riječ Općinskog načelnika
2. Upoznavanje sa Politikom javno-privatnog dijaloga novih članova - tehničko tajništvo - Branka Janko
3. Presentacija rezultata dosadašnjeg rada LEF-a 2013 – 2015 - predsjednik LEF-a Namik Maličbegović
4. Izmjene i dopune Poslovnika o radu LEF-a za 2016. godinu
5. Usvajanje Plana rada LEF-a za 2016. godinu
6. Presentacija Plana upisa učenika u školsku 2016./2017. Godinu – Služba za opću upravu i društvene djelatnosti - Ilija Barešić
7. Prijedlog novih inicijativa

Ad1

Općinski načelnik Mato Zovko na početku sjednice, pozdravio je sve prisutne osvrnuvši se na dobiveni BFC certifikat kao i na otvorenost Općine Žepče na dijalog i saradnju. Naglasio je da od novog saziva LEF-a očekuje predlaganje novih inicijativa prema Općinskom vijeću Žepče u cilju kreiranja povoljne poslovne klime u Općini Žepče.

Ad2

Direktorica RAŽ-a Branka Janko, predstavila je dokumente: Politika vođenja javno-privatnog dijaloga u Općini Žepče i Pravilnik o uspostavljanju i vođenju JPD-a na Općini Žepče. Naglasila je važnost sektorskog pristupa u dijalogu između javnog i privatnog sektora u kontekstu jačanja uloga predstavnika svih sektora u LEF-u a u cilju pokretanja inicijativa čije će rješavanje pomoći povećanju konkurentnosti svakog sektora u Općini Žepče. Naglasila je da su dokumenti transparentni te da se nalaze na web stranicama Općine Žepče i RAŽ-a.

Ad3

Predsjednik LEF-a Namik Maličbegović, predstavio je postignute rezultate LEF-a u proteklom periodu istanknuvši povezanost JPD-a sa strateškim ciljevima Općine Žepče, ostvarenim pozitivnim efektima rada kao i preporukama za rad u narednom periodu.

Ad4

Berina Grahić – RAŽ predstavila je Poslovnik o radu LEF-a sa njegovim osnovnim sastavnim dijelovima. Naglasila je da novi Poslovnik sadrži određene tehničke izmjene za kojima se ukazala potreba u radu u prethodnom mandatu.

Poslovnik o radu je jednoglasno usvojen uz dopunu da dopredsjednica može sazvati sjednicu LEF-a.

Ad5

Plan rada LEF-a predstavila je Branka Janko naglasivši da Plan rada predstavlja okvir djelovanja LEF-a koji se može prilagođavati.

Edin Čaušević – Frigošped d.o.o predlaže da se sjednice održavaju svaka dva mjeseca.

Sabina Spahić – LS Econ pozdravlja dosadašnji rad LEF-a i naglašava važnost učešća predstavnika knjigovodstvenih servisa zbog toga što okupljaju veliki broj obrtnika i MSP-a te kako na taj način mogu iznijeti potrebe i inicijative tih privrednih subjekata.

Plan rada je usvojen sa dopunom da se sjednice sazivaju svaka dva mjeseca.

Ad6

Plan upisa učenika u školsku 2016/2017 godinu prezentirano je pomoćnik Općinskog načelnika za opću upravu i društvene djelatnosti Ilija Barešić. Naglasio je da je Plan upisa podržao Odbor za obrazovanje i zapošljavanje Općine Žepče.

Sabina Spahić – LS Econ ističe da se u Općini Žepče, radi razvijene poljoprivrede, nameće potreba za uvođenjem poljoprivrednih zanimanja. Ilija Barešić obrazlaže da je zanimanje agroturistički tehničar ponuđen za upis u KŠC Don Bosco te da smjer obuhvata zanimanja iz poljoprivrede. Općinski načelnik Mato Zovko ističe da je zanimanje poljoprivredni tehničar ponuđeno u ranijim planovima upisa ali da nije iskazan interes učenika za upis. Također naglašava da su zanimanja zidar i tesar ponuđena za upis ali se nije prijavio dovoljan broj djece.

Branka Janko – RAŽ predstavila je Vodič za upis u srednje škole u Općini Žepče koji je pripremila Razvojna agencija Žepče u saradnji sa srednjim školama u Općini Žepče koji će biti distribuiran svim učenicima koji završavaju osnovne škole kako bi im olakšao odabir budućeg zanimanja.

Ilija Barešić navodi da se srednje škole u Općini Žepče organizirani Dan otvorenih vrata u cilju prezentacije ponude srednjih škola kada je u pitanju upis u 2016./2017. godinu.

Ad7

Pod ovom tačkom dnevnog reda Edin Čaušević – Frigošped predložio je da se Općina Žepče fokusira na privlačenje domaćih investitora.

Na I sjednici LEF-a predstavljena Informacija o vanjskotrgovinskoj razmjeni Općine Žepče koju je prezentirala Maja Jukić. Prema podacima Vanjskotrgovinske komore, Općina Žepče je izvezla 103 miliona KM a uvoz je pokriven izvozom sa 97%.

Branka Janko – direktorica RAŽ-a informirala je LEF o Akcionom planu Strategije razvoja Općine Žepče 2011.- 2018. Naglasila je da je Akcionim planom za 2016. godinu predviđena provedba ukupno 87 projekata koji doprinose realizaciji svih strateških ciljeva.

Brigita Lovrić – pomoćnica Načelnika za graditeljstvo i prostorno uređenje informirala je LEF o usvojenoj cijeni m² izgrađene korisne stambene površine za 2016. godinu u iznosu od 550,00 KM kao i statusu inicijative za formiranjem Poslovne zone Donja Golubinja. Istakla je da je održan sastanak sa predstavnicima privatnog sektora koji posluju na području Donje Golubinke na kome je prezentiran prijedlog obuhvata buduće zone. Naglasila je da se kod realizacije ove inicijative javlja problem neizgrađenog zemljišta odnosno privatnog vlasništva nad neizgrađenim zemljištem. Pojasnila je da bi se proglašenjem Poslovne zone Donja Golubinja ukinula individualna gradnja na području zone. Ukoliko u budućnosti bude zahtjeva za gradnjom, ti slučajevi će se pojedinačno rješavati.

Sastanak završava u 16:00 sati.

Zapisnik vodila
Berina Grahić

Predsjednik LEF-a
Namik Malićbegović